



Reykjavík 1. október 2019

SFS2019090285

172. fundur

HG/sv

## MINNISBLAÐ

Til: skóla- og frístundaráðs

Frá: Helga Grímssyni, sviðsstjóra skóla- og frístundasviðs

### ***Efni: Varðandi tillögu skóla- og frístundaráðsfulltrúa Sjálfstæðisflokksins varðandi húsnæði Kelduskóla-Korpu***

Á fundi skóla- og frístundaráðs þann 24. september 2019 lögðu skóla- og frístundaráðsfulltrúar Sjálfstæðisflokksins fram svohljóðandi tillögu:

Fulltrúar Sjálfstæðisflokks í skóla- og frístundaráði leggja það til að skóla- og frístundasvið skoði þann möguleika á að breyta húsnæði Kelduskóla – Korpu í sameiginlegan leik- og grunnskóla með tilliti til kostnaðarmats. Enn fremur verði vilji skólasamfélagsins og foreldrafélagsins kannaður. Þegar hefur verið samþykkt að hefja rekstur svipaðra skóla í Reykjavík. Reykjavíkurborg ætlar að bjóða upp á nýja skólagerð fyrir börn á aldrinum 2 ára til 16 ára þar sem styrkleikar leikskóla, grunnskóla og frístundar fléttast saman í skóla sem geta dregið fram það besta í hverju barni. Álíka tillaga um rekstur Kelduskóla Korpu kom fyrst fram hjá starfshópi um framtíðarskipulag skóla- og frístundastarfs í Staðarhverfi í Grafarvogi í apríl 2016.

Á fundi sínum þann 12. mars 2019 ákvað skóla- og frístundaráð að fela sviðsstjóra skóla- og frístundaráðs að skipa starfshóp um framtíð skóla- og frístundastarfs í norðanverðum Grafarvogi með hagsmuni barna og unglinga í hverfinu að leiðarljósi.

Í júní 2019 skilaði starfshópurinn af sér skýrslu þar sem kynntar voru tvær tillögu til frekari skoðunar. Í tillögu 2 kemur m.a. fram að komi til frekari uppbyggingar í Staðarhverfi verði leitast við að skoða með hvaða hætti mætti nýta húsnæði og mannaúð í Kelduskóla/Korpu á meðan á uppbyggingu stendur. Á meðan beðið er eftir niðurstöðu umhverfis- og skipulagssviðs um frekari áform uppbyggingasvæða í norðanverðum Grafarvogi hefur ekki verið tekin afstaða í málinu en rétt er að benda á að í tillögu 2 er einmitt gert ráð fyrir því að leikskólastarf geti farið fram í húsnæði Kelduskóla/Korpu samhliða grunnskólastarfi, a.m.k. til skemmri tíma.

### ***Tillaga 1:***

*Vegna fækkunar nemenda í Kelduskóla Korpu og fyrirséðrar fjölgunar barna í nemendahópi Vættaskóla er lagt til að grunnskólalald í norðanverðum Grafarvogi verði með eftirfarandi hætti.*

- *Tveir skólar verði fyrir nemendur í 1.-7. bekk (aðskóli), annar í Borgum og hinn í Engi. Einn unglingskóli (nýsköpunarskóli, sjá bls. 11) verði í Vík fyrir 8. – 10. bekk.*
- *Skólalald verði aflagt í Korpu þar til fjöldi barna í Staðarhverfi á aldrinum 6 – 12 ára (1. – 7. bekk) hafi náð 150 nemendum. Nemendur í 8. – 10. bekk verði áfram í Vík.*
- *Skólastjóri verði í hverjum skóla.*

- Frístundaheimili verði starfrækt í báðum aðskólunum.
- Félagsmiðstöð unglinga verði starfrækt í unglingskólanum.
- Félagsmiðstöðvarstarf 10 – 12 ára færi fram í aðskólunum.
- Umhverfissvænn skólaakstur verði fyrir börn í 1. – 4. bekk í Staðahverfi og þau börn sem þurfa að ganga lengra en 1,5 km leið í skóla- og frístundastarf.
- Skilyrði fyrir breytingum á skólalaldi er að gerðar verði samgöngubætur til þess að auka umferðaröryggi gangandi og hjólandi vegfarenda og til að tengja betur öll hverfi í norðanverðum Grafarvogi.
  - Undirgöng verði sett á valdan stað við Víkurveg.
  - Gönguljós og þrenging götu verði sett á völdum stað við Mosaveg.
  - Göngu- og hjólaleiðir verði einnig bættar til að gera skóla-, frístunda- og íþróttastarf aðgengilegra fyrir íbúa í öllum norðanverðum Grafarvogi.
  - Skoða mætti hvernig hægt er að bæta strætisvagnsamgöngur, t.d. með tíðari ferðum á milli hverfa, tímatöflu sem tekur tillit til þarfa nemenda á grunnskólaaldri og viðbótar stoppi á völdum stað nálægt mótum Mosavegar og Víkurvegur.
- Breyta þarf hverfamörkum skólanna til að tryggja góða dreifingu nemenda á milli skólabygginga og skapa þannig gott rými og aðstöðu fyrir skólastarf jafnt sem frístundastarf.

Lagt er til að innleiðingarhópur verði skipaður til að fylgja eftir að forsendur og markmið tillögunnar verði að veruleika. Innleiðingarhópurinn hafi eitt ár til undirbúnings og því komi breytingar á skóla- og frístundastarfi til framkvæmda haustið 2020. Innleiðingarhópurinn starfi áfram í að minnsta kosti eitt ár til að takast á við og vinna úr ófyrirsjáanlegum áskorunum í tengslum við innleiðinguna.

## **Tillaga 2:**

Vegna fjölgunar barna í nemendahópi Vættaskóla og mögulegrar þéttingar byggðar í Staðahverfi er lagt til að grunnskólalald og frístundastarf í Grafarvogi verði með eftirfarandi hætti:

- Þrjár skólar verði fyrir nemendur í 1.-7. bekk (aðskóli) í Borgum, Engi og Korpu með frístundaheimili í hverjum þeirra. Einn unglingskóli (nýsköpunargrunnskóli, sjá bls. 11) verði í Vík fyrir nemendur í 8. – 10. bekk.
- Skólastjóri verði í hverjum skóla.
- Frístundaheimili verði starfrækt í öllum aðskólunum.
- Félagsmiðstöð unglinga verði starfrækt í unglingskólanum.
- Félagsmiðstöðvarstarf 10 – 12 ára færi fram í aðskólunum.
- Skilyrði fyrir breytingum á skólalaldi er að gerðar verði samgöngubætur til þess að auka umferðaröryggi gangandi og hjólandi vegfarenda og til að tengja betur öll hverfi í norðanverðum Grafarvogi.
  - Gönguljós sett upp og þrenging götu á völdum stað við Víkurveg og völdum stað við Mosaveg.
  - Göngu- og hjólaleiðir verði einnig bættar til að gera skóla-, frístunda- og íþróttastarf aðgengilegra fyrir íbúa í öllum norðanverðum Grafarvogi.
  - Skoða mætti hvernig hægt er að bæta strætisvagnsamgöngur, t.d. með tíðari ferðum á milli hverfa, tímatöflu sem tekur tillit til þarfa nemenda á grunnskólaaldri og viðbótar stoppi á völdum stað nálægt mótum Mosavegar og Víkurvegur.
- Breyta þarf hverfamörkum skólanna til að tryggja góða dreifingu nemenda á milli skólabygginga og skapa þannig gott rými og aðstöðu fyrir bæði skóla- og frístundastarf.
- Ekki liggja fyrir skýr áform um þéttingu byggðar í Staðahverfi. Því óskar starfshópurinn eftir því að umhverfis- og skipulagssvið Reykjavíkurborgar leggi mat á raunhæfni og fýsileika þess að ráðast í uppbyggingu á þróunarsvæði í Staðarhverfi sem styður við bindandi markmið gildandi aðalskipulags Reykjavíkurborgar. Auk þess er sérstaklega óskað eftir því að lagt verði raunhæft mat á tímalínu mögulegrar uppbyggingar.
- Verði uppbygging í Staðahverfi að veruleika, liggur fyrir að Korpuskóli mun þjóna fáum nemendum á þeim tíma sem uppbygging fer fram í Staðahverfi. Kanna þarf hvaða kostir eru í stöðunni til að bæta nýtingu húsnæðis og mannaúðs á þeim tíma, t.d. starfssemi

*leikskóla hverfisins, starfsemi farteyma, útibú frá Brúarskóla eða aðra skóla- og frístundatengda starfsemi.*

- *Lagt er til að skóla- og frístundasvið geri greiningu á því hvort starfsemi af slíkum toga skili rekstrarhagkvæmni og auki faglega samlegð.*

*Lagt er til að innleiðingarhópur verði skipaður til að fylgja eftir að forsendur og markmið tillögunnar verði að veruleika. Innleiðingarhópurinn hafi eitt ár til undirbúnings og því komi breytingar á skóla- og frístundastarfi til framkvæmda haustið 2020.*

*Innleiðingarhópurinn starfi áfram í að minnsta kosti eitt ár til að takast á við og vinna úr ófyrirsjáanlegum áskorunum í tengslum við innleiðinguna.*